

玉茗堂全集

王荅堂全集

臨川義仍湯顯祖著

詩

七言古

寄李峯峯內鄉追憶陳寶鷄

僊令長安君以後繡服霑春幾迤逗赤縣彈琴  
目一時公庭舞鶴冷清漏咲浪紛紜陳寶鷄鳴

詩

五卷

一

鞭載酒御橋西諸賓歷亂凌風舞小史溫融映  
雪啼意氣滿堂心自許密燭迴簾深夜語誰知  
生死十年期忽漫浮沉兩僊侶陳君曲折殊可  
憐君家一掌順陽川隆中故宅若爲遠安衆諸  
劉時往旋少室僧來喜相慰能言峩峩身閒貴  
兄弟中原詞賦名兒郎上路風雲氣紛吾四十  
淸爲郎每愛嵩郎夾內鄉幸好分麾河嶽路真

須一飲帝臺漿

三日二碧王孫山亭飲

金陵岿鬱難攀援孤根碧海齊王孫王孫富麗  
豈無有襍沓風塵誰具論熒熒二碧始清絕衣  
替約綽相寒溫小碧家臨漢西路次碧宅近清  
涼門清涼迴高見蒼莽簾門正接王孫園不嫌  
唐突興俱往且爲略約開殘尊初經窈窕上林

閣便覺氣勢如山材斜臨江皋臨睥睨前瞻天  
闕正軒轅但坐自令佳意出遲遊尚及春光存  
翠薄荆榛徒極想花蹊桃李知無言忽看城闕  
歸雲度起視簷廊宿鳥翻向夕餘妍定三五何  
妨滅燭臨高軒前遊但記風色亂未覺今朝月  
氣昏無事王孫惜芳草自然幽客眷蘭蓀

閨王悅之說閨門隱者

王郎道有閭門人白首青蒲自編席入城賣鹽  
常清晨未到中時卽歸宅便持百錢虎丘寺俱  
坐相逢成主客就飲何曾忘嘯歌歌罷回船動  
西夕自言一生不持扇半世蓬頭少巾幘三家  
市裏足埋藏百歲人中堪戲劇爲看閭門來去  
人不爭遲蚤俱頭白

憶祁羨仲武夷

詩

建江煙月武夷君幔亭綵屋清溪門沓草霏花  
紫霞襦酒行命奏賓雲曲鄉人男女皆曾孫罷  
起翩翩朝至尊弟子壇場閔春色賓從笙歌清  
夢竟僂骸半枕若沉月千花疊棧搖飛雲羅浮  
邇生好留此九曲鳴榔清嘯聞

送梅禹金應制入都

文脊陵陽幾千仞上有閒遊公子俊流水琴中

寫素心博山爐畔搖青鬢梅癡霏霏阻笑歌花  
田漚漚遲芳信每怨春來不見人幸好人來春  
欲闌春闌春陰微李蹊逸興豪心詎肯低結伴  
京華聊自喜含情江館足攀携春穀文縈綠波  
館敬亭台杳青雲梯正思公于青蘭暮肯惜王  
孫芳草萋芳草芳心難自別與子留連玩芳月  
窺飛故燕久應留學語新鶯殊未滑香臺樓宿



臨三山蘭署過從映雙闕借問吳宮佳麗地何  
似燕都遊俠窟燕都複道靄神居星海雲煙氣  
有餘呂郎舊閣連申嶽樂客初封從望諸北道  
主人能載酒西京才子直上書雲水三千恣相  
激才名四十晉何如爾家仙尉吳門宰千秋遲  
汝飛靈質青林芝菌雲欲開淥水芙蓉日初出  
陸生洛下古無二張率吳中今有一未歷露寒

琴羽獵且問朝陽候雲物朝陽傳  
接才英目空江留佩聲闌中少婦  
憎啼別曲裏諸姬解咲迎直取終  
春花月滿不妨初夏雨雲清繡袵  
汗色持存在絲騎香風觸送行行  
行拂袖褰華箔別有名流眷青閣  
幽意寧辭暮復朝容華稍悟今非  
昨猶多俊業倚芳堅似少深心過  
柔弱經湏飲玉上池津莫學投壺  
飛電燦飛光滅露

世續紛避世南郎君不聞自許山川儲歲月止  
持歌笑抵功勲來時蕭索風雲合去路參差河  
漢分定向燕臺陪駿影還念江臯遊鳳羣

夏州亂

夏州判軍如五堡迫挾藩王磔開府賀蘭山前  
高射天花馬池南暗穿虜前年通渭血成壕天  
上太白愁燔高不信秦人阮翁仲鑄金終得鎮

臨洮

黎女歌

黎女豪家笄有歲如期置酒屬親至自持針  
向肌理刺湮分明極微細點側垂蛾摺花卉  
淡栗青紋遠餘地便坐紡織黎錦畢拆襪吳  
人絲綴珠豈嫁娶湏八月黎人春作踏歌戲  
女兒競戴小笠笠簪兩銀篦加雉翠半錦短  
衫花襖

裙白足女奴絳包髻少年男子竹弓弦花幔纏  
頭束腰照簾帽斜珠雙耳環纈錦垂裙赤文臂  
文臂郎君繡面女並上鞦韆兩搖曳分頭携手  
簇遨遊臨山沓地蠻聲氣歌中答意自心知但  
許昏家等爲誓椎牛擊鼓會金釵爲懽那復知  
年歲

詩  
簾障子歌

劍門藤絲如髮紅，織作爭先出新意。  
十二雲屏海上來，平波瑩熨瀟湘字。  
纖纖圓指真絕奇，開花側葉鳳交嬉。  
高吹海色障風日，遙憶煙蘿擺月時。

伍仲元老人飲酒歌

青雲老人何爲者，高冠細袖長人也。  
家多故事饒談笑，年少他鄉劣遊冶。  
老去初爲童子師，貧

來未覺交情寡到門問酒隨生熟坐地吟詩襍  
風雅有子能裝翡翠花無人獨爨青松把謝郎  
奕墅宜酬對羅公講席曾沾惹白雲東岡草蕪  
沒綠竹西塘夢瀟灑猶記長橋春醉時月出高  
林人上馬

送帥從龍北上

忽忽鶯啼二三月灩灩春隨遊子發但覺林泉

幽意深方悲世道交情歇我與若翁真晉人岸  
幘留連如笑噉金錢除書不控張連珠酒令當  
爭新深燈起坐風雷迅洛誦之子驚神駿翁嘗  
厭世有書留我尚爲人覺才盡與翁早拂長安  
鞭江山何限酒壚前邛堪耆舊山陽笛獨送見  
郎江上船江上從龍日千里極目搖帆我心喜  
老矣當如長路何少年自致青雲耳



寄麻城周少愚太學

亭州布衣今已老十年蹭蹬長安道與君遊處  
可憐人煙花漠漠傷懷抱令弟孝廉殊秀羸秋  
月秦淮照人好燕子江清回夜闌美人出門亦  
草草正擬新驪馬弟兄何悟交情一死生念此  
過江欲愁絕在日滿堂誰自歲當時我亦鳳臺  
門綠衣人去舊銷魂無同江湘一來往含情含

涕與君論

送徐吏部出叅閩藩

漢家高士出南州後人千載嗣風流山川不鬱  
精靈色文物長陪霄漢遊君美顏髯多意度惜  
在南都稱吏部何曾尊酒忽離分碧海泉山春  
洗霧此時兵火絕東南令節衙齋每放叅見說  
南方花木早知君遶屋樹宜男

送太常西署翁君歸潮

肅祖玄威兵積戰酋雄俺答天心見北闕大臣  
誅死多汝好家公當一面金革衣冠鐵林冢詔  
書星火潮陽縣蒼梧起家多苦霧紫荆過國仍  
微霰文武全材一豁披忠孝深心兩留戀精華  
寧厓尹侯書蒼茫蒲海鄒公傳尚書功名星月  
旗卒不封侯天子知有子晚入師氏學有文遠

嫁鄒公見鄒君與我長安道鳳池蓮府非其好  
公子參軍亦何有得薄南常轉風操親桃朔食  
每經過帝寢年華多祭告素王自合鍾球禮元  
勳畧受丹青報稍遷清秩奉春祠得侍玄都觀  
羽翮三年奏最自公府四十爲郎豈高蹈君當  
勉爲太夫人姊婿中書足鸞誥誰知卽作羅浮  
遊只尺雲濤春浩浩歸攀桃李惜羅裙却過金

城樹紫芬終當一出臨邊郡且學圖南候海雲  
三生落魄歌送黃荊卿

世上衆生多沃若我處三生常落魄孫生美色  
無婦人與伯同寒翳空郭江東王生遙寄居士  
床并食時有蛆無油白日自纂組小婦能繡身  
能書淮南黃生時折簡半尺青絲寄錢眼君不  
見杖頭纔可百餘錢未問中人十金產

送彭虎少歸滁陽謁丁僕丞馬司理

春明遊子逐春歸  
襍樹花開鶯亂飛  
照水銀鞍挂枝榭  
片語維揚初拂衣  
藉草臨岐當日送  
班荆贈恨神竄動  
瑯琊遷客寄書來  
數道孤眠恒見夢  
夢回江海一相親  
色笑玲瓏似燭銀  
若非醉色招才子  
定是琴心教美人  
似有多情彭虎少  
落筆雲霓紛照耀  
在北從知王氣高  
來南更

索金臺妙愁予空谷謬春聲小吏津前見馬卿  
爲報張憑言道德祇應公子著刑名

送蘄水胡啟貢之通州

昔日逢君泛蘭醪  
暫白鬢鬢髮如沃金馬門前  
頻見君似是凌陽嘆荆玉江漢英  
英氣屬天阡  
昌宛宛近臨川  
從來健令輕盤節  
直是時流重  
曲全水清石見潭  
常事復道風波海  
門地異時

公府惜沈才是歲朝家詠酷吏清時那得遂拙  
身仕宦從知欲苦心獨命春杯悵離別維揚花  
月是通津

答恒叔并憶夢白伯符

玄湖煙雨半霏微鍾阜晴雲濕更飛卧聽鳴猿  
谷曙起遊看宿鳥山明歸由來意性難塵襪到  
處風流饒吐納吳中有酒酒須酤洛下無書書



自答相音似憶海人煙犯雪裁書已隔年巾子  
山前憑岸幘旗亭樓畔好迴鞭多君正直能玄  
史今日南中美無此寶刀將寄只丁卿玉律間  
調是鄒子別後交情一問君山郎謝病欲何云  
如今曉事歸年少漫道長安吃子雲

送周子中歸楚追憶其叔見素沂孝廉并

問王子聲

君家死亦不曾癡每到南中相憶悲經過七夕  
同眠處邪道千秋無見期向後汝家稱莫逆兼  
之若輩多名迹看君擲筆斷虹霓令弟調弓聞  
霹靂青臯霍靡望無窮去馬翩翩入郢中爲憶  
先朝王夢澤烏衣殊不羨江東

寶劍贈龍身之

甘棠聽棘舊池陽萬人遮泣動臺郎沉雲不散

三天日是雪先浮六月霜  
沅陵拔幟功名偉世路何人惜  
荊非卽知潘岳覓除名不道中郎爲  
敝鬼晉帝營西日彩收吳妃宮北水雲流  
當時并道豪雄主今日纔爲詔獄囚  
龍生滿身俱俠骨此事當時殊草率  
不知僞旨出誰人乍許愛書歸獄卒  
遺君寶劍莫輕裁美酒銷心亦怪哉  
見說漢家尊太守春風應得赦書來

聞罷內操喜而敬賦

世皇初御玉麟駢左右雲龍相映發重華殿上  
徊青蓋環碧池邊賜寶衣胡來自有玄兵殛清  
宮邪用旗星直也曾九御上西陵也曾七馬遊  
南國七馬空餘碧玉騎先帝騎將出殿朝偶過  
上林聞獵諫旋停中禁入兵妖吾君射騎稱雄  
便十載杓提客星見楚相晨趨寶善門徐戎夜

出圓暉殿文昌未動忽先摧可笑千官發佞哀  
一禿待麾蒲子去雙鵝原爲栢人來由來聖主  
心存變在日曾尋霍光傳因茲中賁許權兵詭  
是美人能教戰貂璫自古說刑餘可使操兵向  
玉除授劍章龍節可道飛刀笑虎欲何如懸知  
此事關朝社他時將相難高下北斗三垣忽夜  
明西園八校從今罷自此龍阿不倒待長無兵

氣入宮嬖小臣拜舞高陵下願壽吾君億萬斯  
重別袁鄉司廷珪

前時別君珠金率賓從如雲散城闕爲言乘興  
卽宵征詎道淹襟阻明發飛風積雨斷行輪六  
月兼當壬子旬沾衣並未除春服爨桂還應苦  
濕薪咫尺行期難定擬何況懸情說山木獨身  
來去有遲留似我簪纓詎由已晴明須去不須

疑勝處須遊常苦遲君看沓匝歸來日復是重  
陽風雨時

別曾人倩

牂牁水遶三江門蘭石石頭丹竈村南海數家  
冠蓋里花州水碧珊瑚根曾生住居勢連此爲  
訪金華趙夫子

水亭觀右軍真蹟得誰字

閉門學草初臨池何處高燈清宴時白下亭亭  
江上暮此意悠悠知爲誰開軒拂匣驚龍色滿  
目琅玕寧可待不信歸來焚萬帖今宵始見王  
羲之

送安卿

明星祠前夜通火此外祠官閉壇坐白日風塵  
橫直遊只似安卿無不可安卿此時三十餘未

詩



三十時金陵居去今十年始相見當時太學今  
何如當時禮樂從寬政三山陌上繁華盛莫言  
槐市富簪裾且說蘭房襍衣鏡五陵年少宿青  
臺一歲煙花幾度開驕驄逐處尋人去鸚鵡排  
門喚客來是日新妝殊可動高樓大道連雲棟  
別有妖姬不見人動是安卿出迎送迎如新月  
送如雲個人貪著茜紅裊揚州大舸歌將去天

卜風流妬殺君爲問佳人近佳否桃葉渡江此  
來久詢知此地舊繁華不似從前盛花柳花柳  
迎春不貯春舞榭粧樓貼向人亦知遊子偏多  
病未許逢人卽道貧安鄉詩人亦書史翩翩世  
上佳公子釣魚巷曲水亭幽隔水平衢入花裏  
世路蕭疎君得達一行作吏只關愁春色明年  
亦如此昨日悲秋今憶秋秋盡雲寒菊有花吳

山惠水是君家不惜秋光與君酌水氣城陰生  
暮霞人生對酒莫咨嗟月露光陰判不賒有興  
調琴就明燭墜宜拂袖枕烏紗君不見胡繡衣  
陳寶鷄此時但附要離塚何曾一醉太常泥一  
醉城頭烏夜情滿船燈火送安鄉不憂清客隨  
潮去自有諸郎能夜行

哀魏伯子

美一人兮魏之昆昔之公子今王孫顏如石華  
心美玉弱冠詞名擅江曲少年愛我清羸玉雲  
卿湖前章袂行十載風徽闕迎送淒鏘絕筆賢  
臣頌張公憐才自古人手揮哀藻散沉淪令弟  
鶯鶯折前翼影羈棲南自北江南男子多夭  
年好色好書那得全人生有名亦偶爾何必才  
人都老死

爲吳本如明府去思歌

使君去時一年與我好自言學道苦不早紫柏  
師來江上春黑月船移天外曉臨川江西一大  
台晝坐一堂若爲了如覲千眼一切衆獨露一  
身諸事少回身轉眼能幾時琴裡禪心誰見知  
正復歡譎涕歎生爲祠君尚能來人去思心知  
使君爲道不須此未能免俗聊爾爲

陳烈婦歌爲張華亭作

同安夢溪生女珠前有許梅後陳妹陳妹本是  
清寒女珠玉爲心金佩無十七來歸多婉婉能  
諧奴氏勤尊姑鳳岐爲夫數家難刺促感勸常  
歛歔海風障雨斷垣下書卷藥椀匡床俱鳳岐  
吾伊更寒夜妹時伴績聞詩書自言貧富有天  
意但得雙棲百不如何悟雙棲不雙老鳳岐瘦

死青鏡孤彼姝號天淚填臆兩人性命如交蘆  
買棺必雙穴無兩得藉螻蟻當前驅爲夫立兒  
拜宗畢絕粒九日經其廬驚訛雉經事希有吏  
民三老成驚趨妹顏如生結不解就歛同車夕  
陽隅至今隴樹發精采連枝上有雙鶯呼張家  
自是文章族猶子爲子冰玉壺手提白石老人  
傳托意青雲士大夫爲臣死忠婦死節丈夫何

必多清賞

過貞湖王孫問疾

帝子閭中寧獻王神仙開國多文章龍孫十兩  
寶宗老一時貞吉還宗良宗良一生稱長者古  
色戔戔澹瀟灑朝論幾回擇宗正名流是處酬  
風雅十數年中餘一人七十老翁餘半身尚有  
天機出文賦深堂見客隨車輪三年別君常忽

詩

五卷

子



忽視日相看怕蕪沒後來作者知何人世亦不  
復貴此物我來雨雪病經旬久矣相忘世外春  
偶欲向君舒一笑會見龍沙出勝人

綠漪園聽簫有作同耀先

平昌此亭能種竹但有此君人不俗非貪翠氣  
影紅粧會與簫聲搖綠玉風漪綠玉暮雲寒瀟  
湘水色清闌干只道於中耀靈鼠那知其上遊

飛鸞飛鸞窈窕龍烟雨包山丈人此亭主家似  
渭南孺素封人如江上依慈姥何來有客宜幽  
閒綽約玲瓏君子山不妨仙縣移琴曲竹葉樽  
中時往還

玉雲生過平昌徐生畫扇爲別

君子山前營射堂瓊林桂苑隨穿楊碧玉溪橋  
嗽金石絃歌市里合宮商別有書聲隱巖壑盡

日停雲心未央相逢露草誰知美獨宿幽蘭殊  
自芳何來作賦雲林客爲看鳴琴星宿郎一見  
徐生渺清色便欲同車還故鄉結交有神那得  
曉邂逅無多難可忘點綴柔紈送心素按抑高  
歌迎艷陽誓指青松白日短別淚金燈寒夜長  
滴酒相看少年事可憐令尹鬢顏蒼延陵紵綳  
終辭鄭鄩宗由始始遊梁何得途逢卽傾蓋金

尊主掩悲含霜自言少小爲公子婉孌才情歌  
笑香不悟歲華能蟋蟀每言朋好似鴛鴦悠悠  
世路交情見忽忽書空良自傷新知那覺異鄉  
縣片語輕相違俠塲令尹風期只如此十年前  
事心悠揚侵雲嶺高虎吟嘯生波洞遠龍廻翔  
手扶竒雲贈雙美看汝雄雌誰激昂

留眉長卿不得

詩

杯殘忽不懽空堂燈影寒十年一笑長安邸嶽  
嶇歷落稱才子非烟漢殿香銅盤幽山桂枝愁  
蠹死扁舟蹭蹬江湖輕颿來婉孌蓮花城直爲  
弦歌似清浦那得乘人逗長卿

長卿初擬恣遊浙東勝處忽念太夫人返  
棹悵焉有作

神仙縣令如山鬼白雲青蘿石泉泚偶然堂上

遊麋鹿直向棐中殷山水不知誰子耳能清但  
見似人心卽已長卿凌雲飄不飛空谷跽然能  
至止入門心知客不惡滿堂目成予有美莞爾  
弦歌遊縣庭居然水竹如蕭寺開燈彷彿眼中  
人罷酒徘徊心上事崢嶸晏歲君如何幽桂叢  
山真碣磧侵雲顚石啼玄豹落日寒林隱青兕  
能來去住看題筆到處逢迎須倒屣江花入夢

詩

五卷

三

有年餘山木成歌非願始天台莓梁亦咫尺麗  
陽片葉蓮花裏縉雲丹丘停鳳笙青田白鶴銜  
花蕊與君發興期淹留盡與山經出靈詭何得  
采芝未盈把便向高堂成燕喜沓嶂鳴笳響相  
答赤亭風颭寒潮起山陰道上少酬接新婦巖  
前初倚徙定道窮愁能著書正恐春風動遊子  
君去春來誰得知脉脉芳蹊問桃李

送謝君實理高州

幾年執法文登城朱絲之直冰壺清遊戲蓬萊  
幾清淺坐看海市搖空明望仙門前望仙子世  
路烟波只如此秦皇漢武不得意人間那復炎  
州理炎州高涼風色涼綠榕滿堂荔枝漿天池  
六月一棲息珊瑚幾尺高摧藏我昔雷陽向孤  
遠獨樹無陰下長坂夢隨梅嶺江南春每憶石

詩

五卷

五



城夜中飯秋風莎露排烟嵐一官如寄誰可談  
與君相似定相見東海勞僧湘漢南

送李參之侍尊人以魯邸傳歸漳浦

山門蒼生吾不免且閑池林自疎遣眠教女子  
護春衣坐對兒郎弄秋卷惟當千里數飛蓬誰  
憐三徑生苔蘚傳聞有客自南溟迎侍尊人發  
東甌早已才名春未深但道神交心不淺且須

杯酒興淋漓未暇論文極宜展罷相王家醴酒  
清靈光歸然新賦成東郡趨庭少陵意北穀捐  
書黃石情白雲隱映封中出黃菊支離江上行  
雲霄驛外家山色風月樓前歸鴈聲瓏葱曉發  
日南陸嶢嶢夜語河西傾何得長聞李老子猶  
爓未見林先生

送鄭見素遊江東

詩

五卷

五

艷艷春塋發花朵寂寂春寒試燈火人日何人  
清夜沈玉茗堂前風月可向昔登高平遠間滿  
目滄浪無土山就中有人鄭君美學富文清幽  
意閒信美閒遊動千里如花攬結金陵子但聞  
春草爲春生幾見情人爲情死采芣成衣秋柰  
何看朱成碧春又過冉香亭下神姑酒忽忽江  
皋離恨多

寄嘉興馬樂二丈兼懷陸五臺太宰

爲郎苦遲去官早歷落鄉闔罷倫好忽忽神遊  
京洛春泣向五臺原上草馬翁只似扶風人樂  
生當作望諸君臥想少遊何可得拜築高堂曾  
一聞世局風流常似此會見英雄長不死江山  
歲月老閒身風雨魚龍動君子沙井闌頭初卜  
居穿池散花引紅魚春風入門好楊柳夜月出

水新芙蓉往往催花臨節鼓自踏新詞教歌舞  
青春索向酒人拋白髮拚教侍兒數烟雨樓前  
烟雨迷鷺逗湖邊鷺逗啼但取風光足留賞越  
西還勝大江西

立春過鍾陵訪黃明府貞父偶興

立春春晴殊可遊元夕受燈人不愁明發春林  
意鮮好散雪如花吹欒裘偶憶西湖殘雪處笑

對汪汪人叔度緒風蘭葉迴幽香淡月梅花引  
心素由來仙令有烟霞壇石山前風氣佳便移  
彭澤五株柳來就河陽一縣花

懷魯舜徵衡山

年少相逢在何所山東道上風塵語零落相思  
今一時美人悠悠隔江楚一上春官垂廿年滿  
目無人私自憐此生薄相自應爾似子通材那

復然長安有懷未傾瀉迴厓峯前音不下忽傳  
南嶽金簡文來振西方白蓮社空門酬唱老生  
涯衡廬真作往來家有情身中無盡藏與子同  
開心肺花

養龍歌送謝玄瑞吳越遊兼呈郭開府

君不見養龍之墟有靈窟雲霧晦冥龍子出首  
高三尺長丈餘汗花如雲氣騰勃何因得入小

明王天與皇明受英物不可控御當如何囊沙  
壓之初滅沒久乃馴習如遊龍清涼山中來九  
重時平初行夕月禮一塵不動怡天容皇帝賜  
名飛越峰煙綃貌取雲溶溶神竒會合自有數  
沙苑萬里隨遭逢何得貴陽謝生美如此齒至  
龍媒尚邊鄙亦有山東坐安石兼以采芝學黃  
綺譚深具曉經畧材世淺安知遊俠肯江湘放

詩

五卷

五



客心盈盈吳越懷人春霍霍爲君一擊珊瑚樹  
壯不如人今老矣君不見黔臺水鏡留青螺一  
人知己將無多但是漢家天子遠相致辦作芝  
房天馬歌

以歌代書答趙仲一

景清白血流真寧邦清吾友如其清欲留關尹  
言道德稍知公子近刊名風塵兩度相携手唉

語悲歌一壺酒長安貴人方見知鄉里小兒亦  
何有翩翩世故不可窮睨柱碎壁成英雄空驚  
越客詛秦客未塋滕公得趙公有母間居差不  
惡無家古寺堪留客雖知世上眼難背何得此  
中頭遽白我今與子一恢諧爲民光景正須來  
去官只有耕田手處世都無避債臺溫公袖中  
誰所寫坐我不羈置林下一番西咲秦無人龍

泉泰阿知我者

送周子成參知入秦并問趙仲一

十年偃蹇帝京春今日驪駒新入秦黃金橫帶  
東門道容顏未老參知少長安陌上羅公侯驅  
車策馬爭上頭問君何所苦富貴坎壈而長愁  
自言平生歷落心好道摘白爲官有何好遊閒  
上有滄浪天世上浮榮真可憐君不見清遠道

人官不肯教舞看經出窮醜君今向用歸何意  
黽勉從王餞君酒一路春情隨宦情蓮華終南  
相送迎有興真寧問天水醉後秦聲與越聲

李伯東使君寫萬竿烟雨

漪漪竹葉何清楚一半橫斜動烟雨此君濃淡  
各有情林下人稀欲誰語綠筵點綴墨花香別  
接風枝雲漢長獨坐江天少塵事滿懷秋色搖

瀟湘

東館別黃貞父

有序

乙巳夏小暑貞父赴徵儀曹過建武辭謁予  
送之邇南東館適伯東參知馳書來別貞父  
因以墨客所作雪景卷併寄予云午日別貞  
父時江閣風雨寒甚因憶沈啓南六月添衣  
畫雪次韻爲別貞父命予書其後追憶十年

前別貞父湖上正雪臺殿竹樹蕭然如此畫  
中也因及之至如石田詩顛倒炎涼聊戲爾  
又何今昔之感云

午日送客風雨寒參知凍飲留江干爲言沈周  
曾六月醉起添衣畫雲雪江天曉閣爭黃昏行  
人旅泊愁銷翹指揮墨客寫爲別天機偶發非  
涼溫六月雪花吹不去冰玉相看宵難致不知

詩

五卷 三

東館是炎天憶別西湖有寒意

粒粒歌

米粒粒我所入不愛惜之真可泣書篇篇我所  
箋不愛惜之真可憐何足可憐何足泣窖粟藏  
書爭緩急清遠樓頭咲一場後輩誰開玉茗堂  
無人解種豐年玉不作書囊作飯囊

送葉納廷令福山歌

池上芙蓉枝臨流映高潔豈不懷清霜幽意自  
相悅周旋未云久忽此新橋別江南氣猶燠度  
淮天欲雪今去何當行路難前來止坐催科拙  
詔書絡繹行催科縣官踏促當如何男兒不肯  
負心仰天嘆河陽海曲長奔波我昔彈琴括蒼  
曲十載田園嬉松菊稚子告予君欲行忽忽鳴  
騶思出谷把酒搔頭臨近關鴻雁天高叢菊班



年來有興蹈東海與君一望三神山